


NASA YUWE



ABANATE
KWE'SX
KNAYNXI

Una publicación de
**La Oficina del Alto
Comisionado para la Paz**
y traducida por
MinCultura

ABANATE KWE'SX KNAYNXI



Kwe'sx politicateyak kiwes mjĩn kçxa'jaka

Kwe'sx Colombia kiwe's u'se vxitna:
kiwe's txu'jdena

Naa putxwewenxi kwe'sx kiwes u'se
witwa'ja txhĩçx wět wět fxi'zenxis pakwen
kwe'sx nasaji

Ki'jnxuhpa ji'pmetxku puçxwě'je
kwe'sx fxi'zenxisu txhĩçx taba% çxhapa
phewuwě'jetha'w ki'jpa ji'phsametx
kwe'sx kiwte kseeba akafxte, jada
txuhden ũskan, txhĩçx çxhab walatewe'sx
, kwe'sx kisuyak janda puçxhna
u'jkhan kwe'sx mjĩa's yaçte kutxi'jwa



Policateg mjiwetha'w:

kwe'sxpwe'sx putxwe'wnatha'w pazjixiĩi's
witpuçxwě'je

naa mjĩ kwe'sx çxhabte , kwe'sx kiwesu
nasa fxi'zesa politika jinxite kuses akya
pitxik txhĩçx kwe'sx wět wět fxi'zenxi dxijas
pakweka jik

Democracias pakwega kwe'sx kiwesu u'jpana nasa
ikna u'jusayak wět wět wewena txãa nasa puolitica
txhĩçx u'jpanxi çamtxi dukkana, witx'txi phaden
na colomiate, jada nasapwe'sx puyime fxi'zekan

NAA TABX THĚG 6

NAA TABX THĚG 4



NASATX WĒÇXPANXUSA YUWE SUSNXI

*Nasatx Wēçxpayusa ta'sxtxi ew thegna u'jwa
ji'ptha'w kwe'sx fxi'znxi çxaçx fxi'zekan
Na puyewwnxi naa yuwe susnxisku nxu'pthewě'je
wite tasx u'jkhan, kwe'sx kiwes nxupthekan, na
yuwe susnxis txhîçx narcotaficantena theguiame*

N A A T A B X T H Ě G 8



Nasa kpanxunxi nenxusayakpa wewwa ũsa

*Naa puywe'wnxi tahç dxi'tx txhîçx isanxitxku
phkhakhe, isasatx, kajadasa puçxa txhîçx
sxawědkamen, kpanxuyak nenxusatx puçxwa,
txhîçx kpanxusatx yuwe susnxitx ew taxsna,
jxte mjîsatxpa thegna txhîçx putx puçxna ew
fxi'zewa, ew ũusya'jina wět wět fxi'zegua*

N A A T A B X T H Ě G 10



Puyinxi pçute

Açxiyu HABANA puyewwnxi busxte ũsa'k'



U'sasatx, thegna thîçx sutxna

*Açxiyu HABANA puyewwnxi busxte
ũsa'k'*

Ew thegna wět wět fxi'zenxis dxi'jas pakwen

*Putxwewna precidente jxkanxisa Putxwewnxite txawě'sxa ku'j jued mjînya u'jweçta ki
puyikamen txhîçx ew jxkan, usya txăweyçxa marzo satte 2015te putxwewçxa kiwete çam
u'jpasatx kisyá nxenxukutx Antioquiate txhîçx Metate, txawěyçxa octubre kseba satte txăa
akafxteyçxa, pedanxi nasatx dukya nenxutx '*

Çuolombiate U'se kiwen u'jn:

kiwes txu'jden

habana cubate kajiyunxi,
26 nji' a'te 2013



KIWETE PA'JN TXHIÇX KIWES MÏJÏN

1. Kiweju mÏsa, kiwe ji'psame jugu mÏjÏn meçxa kiwe pe'jxa txãwë'stxis puçwa' kiwe ji'phsatx ki kiwe ji'phçx napa eç ji'phmesatx
2. Kikin kiwe katastruos u'se witwa txhîçx kiwes mÏjÏnxa wëdxte
3. Ma kiwespa putx theg puçxna wejxa ewsa pejikamen
4. Kiwete yuwe susnxitx phewuwa





COLOMBIATE KIWETX THEGWA

Mai mjĩnixtx çxaçxak nasaji puçxi

Yat ewsa txajna txhĩçx kiwes phewun:

- 5. Çam tada dxi'j witna , tasxtewe'sx yu phewun , txāwey kwetnxiya txhĩçx internet ji'ph

Jxukaisa yaçte kasekan

- 6. Yat jiphuwa txhĩçx yuyake
- 7. Piyaxi
- 8. yuçesayak

Kihmaknxu napa wejx pejnanan

- 9. Kwe'sx due'sxji vxuu pe'jikamen txhĩçx kihmaknxu napa wejx tund txweywa ki'jaspa. Weysayak putwewena
- 10. Jiisatx jxunku'jn txhĩçx tecnologiãtx txhĩçx pape'jxna
- 11. Kiwes mjĩsatx ew thegna
- 12. Nasaji mjĩn ew fxi'zekan talx nxukamen txhĩçx wëekamen kwe'sx Colombia kiwete
- 13. Vxuu ptxikan



NASAJI MJĨIN KIWES THEGNA

- 14. Kwe'sx naciante mjĩnixitxku ya kipwë'je, we'jx puyinxi kiwesu. wejx kihpa ji'phsametx naciõn puçxnxisume, vxuu ewmesayak mjĩin ũs kwe'sx nasayak pkhakhena





Politicate mj̄in :

**TXHIÇX WĒT WĒT
FXI'ZENXI DXI'JAS
PAKWENA**

txhiçx wēt wēt fxi'zenxi dxi'jas pakwena

habana cubate kajiyunxi,
6 çxapuç a'tte 2013

1. *U'se polítikate piãhte kasesatxku weçxa', kihmyak yuwe susnxi jì'phupakamen wxite politicowe'sxyak*
2. *Botanixisku kçxhaçxaka'ja ate skhewkan Nasa wejx botayñnxa kasekan*





3. Wēt wēt fxi'zenxite jungu mjīn kiwe pala wejx puyinxisu , txāa kiwe pelate u'sa janda mjīkan txhīçx políticate wejx pkhakhen

4. Nasawe'sx politikate wejx mjīna u'khan kimpa puyime putx yuwe susnxi ji'phukamen, kimpa unxis ta'sxna u'jukamen

NASA WEJX PHAKHENA U'JU'KAN

5. Nasa putx puçxna u'jun kihpa skhewkamen nasa pkhaçxa dxi'j tapete txawme jinxa kasete gobiernos

6. Kwe'sx nasatx pkhakhena, putx pucxna kwe'sx kiwete txhīçx pekusu kiwespa dxi'jas pakwena ūste

7. Nasawe'sx putx thegna ew atete mjīin u'khan txhīçx vxua's ew txu'jdekan

8. Nasa we'sx çawelxtxi institucionaltxi txhīçx kwe'sx kiwe pukusu kçxhaçxan putx puyewewñi u'sesa witna wecxan txhīçx jada fxi'zekan

POLITICA TXHĪÇX U'JPANXI ÇAMYAK SUDEN

9. Naa kimyu'jpame u'pañi camtxi uweka'jaçme meçxpa witetx politicanxusatx sxuna nxuwe jin u'jukamen txhīçx wite nawe'sxtxis uu enas ta'sxkamen

10. U'se mjīinxi witwa ūsa' putx thegna ūswa políticate txhīçx thegna kihpa skēwkamen nasa pkhakhenxite yaçte yujukan txhīçx kwe'sx nasa fxi'zenxis thegkan



Wêçxpanxunxi tasxtxi yuwe susnitx phewun



WÊÇXPANXUNXI TASXTXI
THEGNA KWE'SX KIWE YACTE
KASEKAN

habana cubate kajiyunxia,
16 nji' a'te 2014

1. U'sesa mjĩnxi witna nxupthena
yacte kaseya fxysa nasa
uunxiyak yuwe susnxi ji'phuçxa
estadayak jxkanxisayak yuwe
ji'phuçxa, U'sesa mjĩnxi kwe'sx
nasayak mjĩwāja aç txawê'sx
phewu'jwa ji'phta txhiçx yaçte
kansenxis thegwapa ji'phta

2. Naa U'se mjĩnxi wxite eç nxun
,kwe'sx kiwes nxupthewa
kwe'sx nasa fxiy mjĩin yaçte
kasekan





NASA EWMESATX PAKWENA TXHIÇX WĒÇXPASA TASXYAK MJÏIN ÜSATX PAKWEN

3. Wite mjï witna jada
wĕçxpasa tasxyak mjïsayak
kwe'sx kiwete
4. Çxhaçxa mjïñ vxuu
txitxsatx pakwen, newun
txãa wĕçxpatx witkamen
5. Busxte wite yuwe khikna naa
wĕçxpasa tasxa' çesayak
mjïñ u'jute



6. Ü'NXI MEÇXPA
ÇXANZXANXIS EW
THEGNAKI YUÇENA

Nasatx ew thegna txhiçx putx
puçxna , jsukasatx yuçena
txhiçx estado istitucionyak
jada mjïñ kwe'sx
nasayak, kwe'sx dwe'sxyak
meçxpanxis, çxanzxanxi
ivxitkan



Uusa namuyak putx puywewna

Isasas wewna putx puçxna phewuna txhĩçx ki witmena

habana cubate kajiyunxi
15 kuçx a'tete 2015


Naa mjii ma pucxwēseapa thxĩçx thegwēsapa janda mjīin u'juasata txāa dxi'jas pakwen na puyinxite kpanxu nenusayak , isas txawē'sxtxis tasxna,txiçx kikin skhewkamen kpanxu nenusatx ,jxte phkhakesatx jada putx puçxna wet fxi'zeyya ,puyinxi skhewkan txhĩçx wēt wēt fxi'zenxi dxi'jas pakwen

1. JXTE THENGSA PA UYWA' JI'THA'W TUD ISAS JIYUWA, JADA FXI'ZEWA TXHİÇX KI SXWĒDKAMEN

Naa mjii tudtewe'sxçxa mantey tuthenxi nawayçxa puyinxis ew jiyuwa na kimaspa vxi'jnxan ūswame naa isasas tud jiyuwa'ja txhĩçx kpanxu nenusatx na leytxi idxas thengu jin puçxwa



GARANTÍAS DE NO REPETICIÓN



2. PKHANXI NASA WITE NASA ŪSTXNAK TXAWĒ'SXTXI PAKWEPUN


Na phkakhentis teeçx jxkasa jiphun napa txhîçx ew thengua ji'phunenata kwe'sx leyesjin, txãa nasawe'sx witux jin ustxnak mte itxi ũste açã unxi uste txa'jx kukwes uypkaçx pakweçxa usa namutx dukwa ji'pta ew pendakan.

NAA TA'SXNXI PUÇXWA WĒT WĒT FXI'ZENXIS DXI'JAS PAKWEN

- 3. Kpanxu nenusatx puçxwa'ja
- 4. Jiyuna thegna txhîçx txeãata jin witna, tasxna
- 5. Puyi pçute jada putx puçxna
- 6. Kikin kiwetx ka'sxwëdun
- 7. Jada sxwëda
- 8. Kikin nasa jisatx pakwen dxutxpe'jxna ũus wet nenukan wĒt wĒt fxxi'zewa

9. WĒT WĒT FXI'ZENXI ÇXHĀÇXA FXI'ZEKAN

Na p Khanxi kpanxu nenusatxku wejx puçxwë'je txãwë nenukamen jin estados theg kpã'witsatx pakwen txhîçx tasx jin meçxpa khatxan aç aye mjîsatx ew thegna kih ewmesa skwewkamen kpanxu ivxitsa isasas txhîçx kpã's e'steivxi'jtya puçxmete leypa txãas puçxmena jik



"puyinxi eena's wiitya pejxthaw. Txaa pa'ka
habana cubate we'wxc zxicxkwecxaa fxi'zewa
teecx teecx iisa"

Sergio Jaramillo, –çxhaçxa' wëtwë't fxiizenxi pakwenas



Oficina del Alto
Comisionado para la Paz
(facebook.com/ComisionadoPaz)



Oficina del Alto
Comisionado para la Paz
[@ComisionadoPaz](https://twitter.com/ComisionadoPaz)



Equipo Paz Gobierno
[@EquipoPazGob](https://twitter.com/EquipoPazGob)



Ministerio de Cultura
[@mincultura](https://twitter.com/mincultura)



Dirección de Poblaciones
[@dirpoblaciones](https://twitter.com/dirpoblaciones)

www.mesadeconversaciones.com.co
www.altocomisionadoparalapaz.gov.co
equipopazgobierno.presidencia.gov.co
www.territoriosporlapaz.gov.co
www.mincultura.gov.co

El contenido de esta publicación, realizada por la Oficina del Alto Comisionado para la Paz, y traducido por Mincultura es de libre impresión y distribución, pero debe reproducirse manteniendo el diseño original y respetando el texto en su totalidad.

Traductor: Bladimir Umenza Velasco